



Publicaziuns dalla vischnaunca, jamna 4

Votaziuns communalas, votaziun cantunala e votaziuns federalas

L'urna principala en casa communalala ei aviarta sco suonda: Dumengia, 12-2-2017, 9.00–11.00

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 10 da fevrer 2017, allas 17.00**, tier l'administraziun communalala (tel. 081 920 36 36).

Levgiament da votar

Mintga votant(a) ha la pussevkladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e **serrar giu** ella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communalala saveis Vus tarmetter cun posta (suppli cau da francar) ni directamein fierer en la scaffa da brevs dalla casa communalala.

Ils cedels da votar ston esser sil pli tard la dumengia, ils 12 da fevrer 2017 allas 11.00 tier l'administraziun communalala.

Aschinavon ch'ei vegn buca risguardau sura instrucziuns da votar, ein ils cedels da votar nun-valeivels.

Suprastonza communalala

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2016 – 1039.000

Adrian e Daniela Deflorin-Flepp, Gassa da Cuoz 23, 7186 Segnas; engrondaziun dalla habitaziun el plaunterren e dalla terrassa, casa sin parcella 1215, Gassa da Cuoz 23, 7186 Segnas

Nr. 2016 – 1057.000

Alfred Spescha-Solèr, Via Veier 6, 7180 Disentis/Mustér; baghetgs annexs sco suttetgs per pavel ed iseglia (procedura uffiziala), parcella 3362, Falingia, 7180 Disentis/ Mustér

Nr. 2016 – 2107.000

Martin Lutz-Derungs, Via Disla 23, 7180 Disentis/ Mustér; engrondir porta existenta ed ulivar il passadi, parcella 1891, Zona Disla, 7180 Disentis/Mustér Disentis/Mustér, ils 23 da schaner 2017

Uffeci da baghegiar Disentis/Mustér

Alarm d'emprova 2017

Tenor comunicaziun digl Uffeci da militar e da protecziun civila dil Grischun ha liug en l'entira Svizra **mesjamna, igl 1. da fevrer 2017, allas 13.30/13.45 alarm general allas 14.15/14.50 alarm d'aua**

Ei setracta d'alarms d'emprova tier ils quals ei vegn examinau d'ina vart sche las sirenas funcziuneschan e da l'autra vart vegn dau la pussevkladad d'emprender d'enconuscher ils differents tuns d'alarm.

Alarm general

Cun quei alarm vegn la populaziun alarmada en cass da prighel smanatschont. Il signal «alarm general» ha in tun che crescha e sbassa e che cuoza ina minuta.



Aschinavon ch'il signal «alarm general» avisescha **ordeifer igl alarm d'emprova**, lu significhescha quei ch'ina periclitaziun dalla populaziun ei pusseivla. En quei cass vegn supplicau la populaziun da tedlar radio, da suandar las ordinaziuns dallas autoritads e d'informar ils vischins.

Alarm d'aua

Igl alarm d'aua vegn menaus atras allas 14.15 ed allas 14.50. In tun bass interruts regularmein che cuoza sis minutas. La populaziun sto interprender neginas mesiras. Igl alarm d'aua vegn ins ad udir mo el territori nua ch'ei sesanfla lags da fermada. Dils plans cul territori periclitau sa vegnir priu investa tier l'administraziun communal.

Aschinavon ch'il signal «alarm d'aua» avisescha **ordeifer igl alarm d'emprova**, lu significhescha quei ch'ina periclitaziun dalla populaziun ei pusseivla. En quei cass vegn supplicau da bandunar immediat il territori periclitau. Ulteriuras indicaziuns e reglas ein d'anflar sin teletext, pagina 680 ed era egl internet www.sirenentest.ch. Bien engraziament per Vossa capientscha.

Suprastonza communal Disentis/Mustér

Taglia da tgauns 2017

Cunquei che mintga tgaun sto esser marcaus cun in microchip, basegna ei buca pli la marca da tgauns dalla vischnaunca.

Ils possessurs da tgauns retscheivan directamein in quen cun la taglia da tgauns. Quella munta pigl emprem tgaun a frs. 120.– e per mintga ulteriur tgaun ella medema casada a frs. 180.– per onn. Tgauns da polizia, tgauns da lavinas sco era tgauns per tschocs e suords ein deliberai dalla taxa.

Adatg!

Possessurs ch'acquistan da niev in tgaun ein vinavon obligai da vegnir persunalmein al spurtegl dall'administraziun communal per cumprovar la registraziun dil microchip. Il conto sin la plattafuorma da datas Amicus vegn endrizzaus entras l'administraziun communal. Mintga possessur d'in tgaun ei obligaus da registrar acquisti, surdadas, mortoris ed exports egl exterior d'in tgaun.

Niev!

Dapi l'entschatta schaner 2017 eis ei buca pli obligatori da frequentar ils cuors teoretics e pratics (SKN) per astgar posseder in tgaun. Consequentamein ston ils mussaments corrispundents puca pli vegnir presentai all'administraziun communal.

Administraziun communal

Di da tagl 2017

Il cuoz dalla finiastra d'internet per inoltrar las indicaziuns per il di da tagl 2017 ei ils 26 da schaner 2017 entochen ils 9 da fevrer 2017.

Naven dad uonn vegn il formular «C» cun las surfatschas tschaffai sur igl agriGIS. In agid per tschaffar las surfatschas anfleis Vus sin la pagina d'internet digl uffeci d'agricultura e geoinformaziun www.alg.gr.ch.

Il formular suttascret ei da returnar entochen ils **14 da fevrer 2017** all'administraziun communal Mustér.

Il gerau d'agricultura



Ludoteca Mustér e contuorn

19avla radunonza generala dall'uniun Ludoteca Mustér e contuorn, venderdis ils 3 da fevrer 2017 allas 20.15 en ludoteca.

Beinvegni

Tractandas

1. Elecziun d'in/a dumbravuschs
2. Protocol dalla 18avla rg dils 3 da fevrer 2016
3. Rapport dalla presidenta
4. Rapport
 - a) dalla cassiera
 - b) rapport dils revisurs
5. Elecziun
 - a) dall'actuara
 - b) dalla cassiera
 - c) revisur/as da quen
6. Plan da lavur
 - onn da giubileum: acziuns mintga 2 meins
 - collaboraziun cun la scola Mustér
 - concorrenza cumbiniala
 - occurrenza avon il Spar, ils 6 da matg
 - partizipaziun alla fiasta dil vitg ils 12 d'uost
 - fiera s. Martin
 - scolaziun da giugs VLGR/Silbermann
 - GV VLGR Davos/Tavau
 - DV dalla Federaziun da Ludotecas Svizra 25-3-2017 Küssnacht am Rigi
 - seras da giugs internas
 - Suisse Toy 12 – 15/10/17
 - cuors svizers
7. Varia

Giubileum 20 onns ludoteca Mustér e contuorn

La ludoteca Mustér e contuorn astga festivar uonn siu giubileum da 20 onns. A caschun da quei giubileum dat ei mintga dus meins ina supresa per pign e grond en ludoteca.

schaner/fevrer:	tscheiver
mars/avrel:	la lieur vegn
matg/zercladur:	primavera
fenadur/uost:	juhui – vacanzas!
settember/october:	raccolta
november/december:	glisch

Il team dalla ludoteca Mustér e contuorn selegra da festivar cun vus ensemen.

Uniun da dunnas Mustér

Gruppa da seruschnar/termagliar

La gruppa da seruschnar/termagliar envida tut ils affons entochen treis onns, ensemen cun lur mummas ni era babs e fargliuns, da passentar in bi suentermiezdi da cumpignia. Als affons vegn purschiu in ambient cumadeivel per termagliar ferton che las mummas/ils babs san sediscutar in cun l'auter. Ei vegn purschiu caffè, te ed aua.

Datum: **Mardis, ils 31 da schaner 2017**, 14.30–16.00

Liug: Casa da scola Segnas, local Artgin

Per ulteriur sclariment saveis Vus contactar Daniela Schmed sut 076 404 82 69.

Datums dallas ulteriuras sentupadas: 28-2 / 28-3 / 25-4 / 30-5 / 29-8 / 26-9 / 31-10 / 28-11-2017



Banca Raiffeisen Cadi

Preavis radunonza generala

La radunonza generala dalla Banca Raiffeisen Cadi ha liug **venderdis, ils 21 d'avrel 2017** el Center da sport a Mustér.

Cussegl d'administraziun edirecziun Banca Raiffeisen Cadi

Stallkino – Cinema Salaplauna

«Das Futter kommt vom Boden – Landwirtschaft damals». Archivfilme aus Graubünden. Mesjamna, igl 1. da fevrer, allas 16.00 ed allas 20.00, Klosterhof Mustér/Salaplauna.

Il film «Das Futter kommt vom Boden» muossa differents films cuorts da pli baul el cantun Grischun – far fein selvadi, la lavur dad in mazler, la lavur en connex culla cultivaziun dalla tiara cun paucas maschinas ed auters. Ils films en ner ed alv e senza musica impressiuneschan ils aspectaturs! Collaboraziun cun il Museum Regional Surselva ed il Cinema Sil Plaz Ilanz.

Entrada libra, collecta.

Sterbeforscherin Monika Renz im Forum Kloster Disentis

Am **Dienstag, 31. Januar 2017**, um 20.30 Uhr, spricht im Peter-Kaiser-Saal Dr. theol. Monika Renz über das Thema: «Sterben als spirituelle Erfahrung – das ICH stirbt in ein DU hinein.» Monika Renz ist Musik- und Psychotherapeutin FSP und Leiterin der Psychoonkologie am Kantonsspital St. Gallen.
Herzliche Einladung

Kloster Disentis, P. Urban Affentranger

Secziun da catschadurs Péz Alpetta

Radunonza generala, venderdis, ils 27 da schaner 2017 allas 20.15 el hotel «Sax».

Cordialmein envida
la suprastonza
